

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH" broj: 49/06, 51/09) i člana 50. Statuta Općine Novo Sarajevo ("Službene novine Kantona Sarajevo" broj: 35/10) i člana 9. Programa mjera za podsticaj zapošljavanja općine Novo Sarajevo ("Službene novine Kantona Sarajevo" broj:30/18), Načelnik Općine Novo Sarajevo, raspisuje:

**JAVNI POZIV POSLODAVCIMA SA OPĆINE NOVO SARAJEVO
DA SE PRIJAVE ZA UČEŠĆE U PROGRAMU OBUKE, DOKVALIFIKACIJE,
PREKVALIFIKACIJE I SPECIJALIZACIJE BORAČKE POPULACIJE I DRUGIH
NEZAPOSLENIH LICA**

I

U cilju realizacije Programa mjera za podsticaj zapošljavanja i održavanja više stope zaposlenosti u Općini Novo Sarajevo u 2018. i 2019. godini, Općina Novo Sarajevo (u daljem tekstu: Općina), poziva poslodavce sa područja Općine da se prijave za učešće u Programu obuke, dokvalifikacije, prekvalifikacije i specijalizacije boračke populacije i drugih nezaposlenih osoba za poznatog poslodavca, prijavljenih na evidenciju nezaposlenih biroa Općine Novo Sarajevo, prije objave javnog poziva za ovaj program.

Cilj Programa je obuka, dokvalifikacija, prekvalifikacija i specijalizacija boračke populacije i nezaposlenih osoba sa evidencije nezaposlenih u Općini Novo Sarajevo, za poznatog poslodavca.

II

U smislu ovog programa:

- Obuka je sticanje znanja i vještina za obavljanje složenijih poslova koji su srodni osnovnom zanimanju nezaposlene osobe;
- Dokvalifikacija je stručno osposobljavanje u cilju postizanja viših stepena znanja i vještina u okviru postojećeg zanimanja;
- Prekvalifikacija je obrazovanje u kojem nezaposlena osoba stiče znanja i vještine za drugo zanimanje u odnosu na postojeće.
- Specijalizacija je obrazovanje i osposobljavanje u okviru istog zanimanja, radi sticanja posebnih znanja i vještina neophodnih za određene poslove.

Dužina trajanja obuke, dokvalifikacije, prekvalifikacije i specijalizacije je maksimalno 3 mjeseca i može se realizovati kod poslodavaca po internom programu, uz moguću saradnju sa ustanovama, centrima za obuku ili drugim organizacijama koje su registrovane za ovu vrstu djelatnosti.

Ukoliko poslodavac vrši obuku, dokvalifikaciju, prekvalifikaciju i specijalizaciju bez saradnje sa ustanovama, centrima za obuku ili drugim organizacijama koje su registrovane za ovu vrstu djelatnosti, dužan je o svom trošku polaznike osigurati za slučaj povrede na radu i profesionalnog oboljenja u skladu sa važećim propisima, a Općina će putem resornog ministarstva i Vlade Kantona Sarajevo, obavijestiti inspeksijske organe o realizaciji programa, a u svrhu izbjegavanja karakterisanja ovog angažmana kao "rad na crno".

III

Ovim Programom biće obuhvaćeno najmanje 32 nezaposlene osobe sa evidencije nezaposlenih s područja Općine Novo Sarajevo.

U cilju provođenja ovog programa Općina će poslodavcima korisnicima ovog programa za novo zapošljavanje, mjesečno u periodu od 6 mjeseci, refundirati sredstva u ukupnom iznosu od 600,00 KM, po novouposlenoj osobi, za isplatu plaća i uplatu zakonom propisanih poreza i doprinosa, nakon završene obuke, dokvalifikacije, prekvalifikacije i specijalizacije nezaposlenih osoba, dok troškovi obuke do zasnivanja radnog odnosa padaju na teret poslodavca. Izvođač obuke je dužan dostaviti izvještaj o provedenoj obuci od strane izvođača obuke, dokvalifikacije/prekvalifikacije ili specijalizacije.

Poslodavci korisnici ovog programa dužni su u radnom odnosu zadržati postojeći broj radnika koji su imali u momentu podnošenja zahtjeva, osim u slučajevima odlazaka u penziju postojećih radnika.

IV

Poslodavci koji žele da učestvuju u ovom programu dužni su podnijeti sve u **originalu ili ovjerenj fotografiji**:

- Aplikaciju za finansiranje obuke, dokvalifikacije, prekvalifikacije i specijalizacije u roku predviđenim javnim pozivom,
- Izjavu ovjerenu kod općinskog organa ili notara da sam/nisam koristio kreditna i/ili grant sredstva Federalnog zavoda za zapošljavanje, JU „Služba za zapošljavanje Kantona Sarajevo“ Sarajevo i ministarstava u Vladi Kantona Sarajevo i da sam/nisam ispoštovao obaveze u skladu sa zaključenim ugovorima, odnosno da sam namjenski utrošio dobivena sredstva.
- Rješenje o registraciji sa identifikacionim brojem sa sjedištem na području Općine Novo Sarajevo,
- Uvjerenje o izmirenim obavezama po osnovu poreza i doprinosa ne starije od 30 dana od dana podnošenja aplikacije sa listingom o trenutnom broju radnika (izdat od strane Porezne uprave Federacije Bosne i Hercegovine),
- Uvjerenje o izmirenim obavezama poreza na dodatnu vrijednost ukoliko je podnosilac aplikacije PDV obveznik (izdat od strane Uprave za indirektno oporezivanje Bosne i Hercegovine),
- Plan i program obuke, dokvalifikacije, prekvalifikacije i specijalizacije ovlaštene ustanove, centra za obuku ili druge organizacije koje su registrovane za ovu vrstu djelatnosti ili poslodavca ako se obuka izvodi kod poslodavca,
- Elaborat o opravdanosti zahtjeva za obuku, dokvalifikaciju, prekvalifikaciju i specijalizaciju.

V

Poslodavci koji redovno ne izmiruju obaveze uplate javnih prihoda, ne mogu učestvovati u ovom Programu, osim u slučaju kad poslodavac ima potpisan ugovor sa Poreznom upravom Federacije Bosne i Hercegovine i Upravom za indirektno oporezivanje o uplati duga na rate u kom slučaju je poslodavac dužan dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje ili uvjerenje da poslodavac vrši uplate po potpisanom ugovoru.

Poslodavci i fizičke osobe koje su koristile kreditna sredstva Federalnog zavoda za zapošljavanje, Službe i ministarstva u Vladi Kanton Sarajevo, a nisu ispoštovali obaveze u skladu sa zaključenim ugovorima (nisu primali radnike ili ne vraćaju redovno anuitete), ne mogu učestvovati u ovom programu.

VI

Prednost za učešće u ovom programu imat će poslodavci čija je djelatnost proizvodna ili turistička, veći broj zaposlenih i broj osoba koje će se zaposliti po programu.

VII

Općina će sa poslodavcima koji budu obuhvaćeni Programom, zaključiti ugovore kojima će biti regulisana sva prava i obaveze ugovornih strana, u skladu sa Programom.

VIII

Javni poziv ostaje otvoren 15 dana od dana posljednjeg objavljivanja, u dnevnom listu koji izlazi u Kantonu Sarajevo, web stranici Općine Novo Sarajevo – www.novosarajevo.ba i web stranici JU „Služba za zapošljavanje Kantona sarajevo“ Sarajevo – www.szks.ba

Nepotpuni i neblagovremeni zahtjevi neće se uzeti u razmatranje.

IX

Obrasci za podnošenje Aplikacija mogu se dobiti u Općini Novo Sarajevo, ulica Zmaja od Bosne br. 55 ili preuzeti sa web stranice Općine Novo Sarajevo i JU „Služba za zapošljavanje Kantona Sarajevo“ Sarajevo.

IX

Rezultati ovog javnog poziva biće objavljeni na web stranici Općine Novo Sarajevo.

X

Aplikacije sa potrebnom dokumentacijom, podnose se na protokol Općine Novo Sarajevo ili preporučeno poštom na adresu Općina Novo Sarajevo, ulica Zmaja od Bosne br. 55, sa naznakom: „Za Program obuke, prekvalifikacije, dokvalifikacije i specijalizacije boračke populacije i drugih nezaposlenih osoba“.

Dodatne informacije mogu se dobiti u Općini Novo Sarajevo, i na broj telefona 033/492-123, 033/492-208 i 033/492-103.

Broj:02-14-2690/18

Sarajevo:08.08.2018godine

OPĆINSKI NAČELNIK

NEDŽAD KOLDŽO

PODNOŠILAC ZAHTJEVA

DATUM: _____

Općina Novo Sarajevo
Ul. Zmaja od Bosne br. 55
71000 Sarajevo

ZAHTJEV

ZA UČEŠĆE U PROGRAMU OBUKE, DOKVALIFIKACIJE, PREKVALIFIKACIJE I SPECIJALIZACIJE BORAČKE
POPULACIJE I DRUGIH NEZAPOSLENIH LICA

POSLODAVAC _____

ADRESA _____

KONTAKT TELEFON I E-MAIL _____

OVLAŠTENA OSOBA - Direktor _____

TREKUTNI BROJ RADNIKA _____

BROJ RADNIKA ZA OBUKU _____

POTREBNA ZANIMANJA _____

SREDSTVA POTREBNA ZA:

- OBUKU
- PREKVALIFIKACIJU
- DOKVALIFIKACIJU
- SPECIJALIZACIJU

IZVOĐAČ OBUKE _____

DUŽINA TRAJANJA _____

PODNOŠILAC ZAHTJEVA

IZJAVA

Ovom izjavom pod punom moralnom, materijalnom i krivičnom odgovornošću izjavljujem da **sam/nisam** koristio kreditna i/ili grant sredstva Federalnog zavoda za zapošljavanje, JU „Služba za zapošljavanje Kantona Sarajevo“ Sarajevo i ministarstava u Vladi Kantona Sarajevo i da **sam/nisam** ispoštovao obaveze u skladu sa zaključenim ugovorima, odnosno da sam namjenski utrošio dobivena sredstva.

Izjavu dao

(Ime i prezime davaoca izjave)

(adresa stanovanja)

(lična karta)

(OVJERA OD NADLEŽNOG OPĆINSKOG ORGANA UPRAVE ILI NOTARA)